

故宮博物院
珍藏

盤

山

志

二

種



故宮博物院編

海南出版社

故宮珍本叢刊第 243 冊 史部地理類 山水

故宮博物院編

康熙
盤山志

乾隆
盤山志

海南出版社

新平知書
PDG

圖書在版編目(CIP)數據

故宮珍本叢刊.第243冊,地理·山水,[康熙]盤山志、[乾隆]盤山志/故宮博物院編.-影印本.-海口:海南出版社,2001.4

ISBN 7-80645-986-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06668 號

故宮珍本叢刊第 243 冊

史部·地理·山水

[康熙]盤山志 [乾隆]盤山志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:30 印數:1-400 冊

ISBN 7-80645-986-3/Z·67

定價:8400 元(河渠山水古迹游記外紀 96 種共 42 冊)

本書如有印裝質量方面問題請與我社或承印廠聯係

我社為本書每冊(種)書新編的目錄均置於每冊書末

盤山志目錄

卷首

序

報單

山圖

凡例

名勝卷一

山 八盤山左右相連屬者收入

峰 十舊有五日紫蓋曰自來曰挂月曰九華曰雙峰

石 二十六山之怪石可名者實不止此見于題詠者乃錄之舊有八曰懸空曰搖動曰將軍曰眼甲曰

盤山志目錄
首卷

帳房曰燕子曰菱角曰蟒石有二

巖 九龍巖見盧雍詩青溝主山有龍首巖

臺 五舊稱東五臺以此

嶺 八

盤 三

峪 八

洞 十一石雨洞見袁宏道遊記

淀 一

泉 八

井 三

路 二

橋 五

溝 四青溝一名盤谷

澗 六

潭 二內各有三潭

池 五

塘 一

塔 佛塔三骨塔一百有奇

砦 一廢

亭 四

盤山志目錄
首卷

軒 二

人物卷二

高僧 三十九人

道士 三人

人物卷三

隱士 四人

建置

寺 二十二惟以編年列次第不以興廢定後先也

建置卷四

院 二

卷二十九

靜室十

廟八

物產卷五

果木十二

藥艸七

埜蔬十一

山花十

禽四

獸八

砂石四

禁示規條附

遊幸卷六附文部

文部魏晉後魏唐遼金元明

詩部卷七唐金元明

詩部卷八本朝

詩部卷九本朝

詩部卷十方外

補遺文部詩部雜綴

盤山志目錄

五

盤山志序

盤山爲畿東古名勝尚矣然未有山志有之自拙菴大師始拙公之初至青溝也其地爲虎豹巢穴刈荆棘結艸屋以居而虎不敢害且徙去今已成一梵刹矣遠近之居民以及樵夫牧豎莫不化之拙公念盤山之名勝其人物詩文建置物產無所紀載則久而湮沒不傳因自剗一稿家阮亭少司農朱竹垞太史從而討論攷訂廣搜博采備極精核而其書始成余披閱再四竊歎山志雖多未有如此之嚴潔者余因思歷代諸史不具論至郡州縣志郡州縣之史也修之不得其人或改竄舊本稍事增補或訪聞失實遂入登記甚有發凡起例剽奪冗率併體裁而亦失之者此可以言志乎惟茲山志成于拙菴一人之手而阮亭竹垞兩君子學有根柢詞無枝葉如耕之有畔織之有幅畫然而不可紊故其書必傳然又思拙公旣已悟道埽除文字復畱心于此不幾于文人結習

盤山志序

一

蹈綺語之戒乎然而此拙公之功行也夫盤山終古

不壞而登此山與住此山者有時而壞不有以志之

則其人不傳然登此山與住此山者雖壞而終不絕

于世不有以志之則其作詩文者之用意與建置之

苦心亦等于艸木朽腐已耳此拙公之功行爲不可

及也不然佛家視山河大地一切如幻何有于盤山

卽五山十剎亦比之逆旅傳舍又何有于人物詩文

及建置物產乎拙公遣弟子索序者再余不暇然不

盤山志序

敢辭而唯論其大略後人遊盤山者其必持此以問

津矣

康熙壬申九月立冬日禮部右侍郎兼翰林院學士

加一級王澤弘撰

盤山志序

青溝拙菴大師撰盤山志閱九寒暑至是書成而

俾予序之予卒業三復歎曰古稱贊寧釋氏董狐

覺範僧中遷固若大師者非其人歟天官書言中

國山川東北流尾沒于渤碣蓋北戒之山自終南

惇物中條太行蜿蜒旁薄二千餘里跨有幽并二

州之境屏蔽京師控扼九塞而放乎遼西盤山突

起薊門無所附麗單椒蔓壑自擅雄尊海內言名

盤山志序

山者五岳之外若黃山匡廬天台雁宕武夷羅浮

峨嵋青城之屬率儼立傲睨莫有相下盤山片石

乃能與之伯仲甲乙豈無故而然歟自唐文皇駐

蹕茲山遼金諸帝蒞止不一迨于

本朝

翠華臨幸至再

御書宸藻照曜山谷諸名岳莫敢望焉田疇報命

劉幽州埽地入山寶積受記馬祖普化贊助臨濟

自時厥後尊宿比肩鬱爲禪窟凡此皆茲山之所獨擅非惟明流秀嶂與他山爭奇勝已也大師早參諸方嘗謁南華憩佛日峰住五老東西二林間最後得沆青龍百愚和尚遂卜菟裘于青溝老焉邈然繼二古德于千載之上機緣契合蓋非偶然師嘗歎山志闕如毅然思勦爲之述稽史傳廣蒐釋典山經海錄靡不漁獵以至豐碑斷碣名泉怪石芒屨所及悉賈油素籍記之其志可謂勤矣發

盤山志序

凡起例簡而嚴核而有體有史氏之義焉其書必傳于後而足備名山之掌故亡疑也大師于詩最工夙有清畫靈一之目嘗屬予序而未暇以爲昔劉賓客論僧詩有之曰因定而得境故脩然以清由慧而遣詞故粹然以麗晁伯以嘗述其言以題黃龍諸老之詩而推本于學士大夫之助以爲靈一學阮謝而又得李華張繼皇甫冉輩與之遊清畫爲康樂之裔其相從則顏魯公韋蘇州也然則

予以沆味幸交于師而究無毫末之助寧無遠愧諸公平哉

經筵講官戶部右侍郎前兵部督捕右侍郎都察院左副都御史國子監祭酒王士禎序

盤山志序

盤山志序

盤山在京城東二百里而近一曰盤龍山蜿蜒盤薄故名一曰四正山山特立無倚蠶窠蓮瓣四面如一故名一曰田盤山三國田疇所盤桓太田從盤俗省也今感化寺古碑猶載田氏事云其山多怪石其樹多松石之昂者欲翔歛者欲墜欲壓綿谷互巖松生石罅臃腫蜷蹙怒而不得逞則往往作蛟蚪掣攫之勢其水皆奔泉從高處下酈道元所稱望山上水可

盤山志

一

高二十餘里素湍浩然其間梵宇率堵之勝神燈鬼火譎詭幻怪之觀與夫龍蛇之神虎豹鼪狸之窟穴高僧隱士墨客之所鐫鐫山皆擅而有之其與江南之匡阜黃海閩之武夷越之台宕粵之羅浮巴蜀之峨嵋諸名山爭雄長于域內宜也然而互千百年來山志亡有探奇之士每以爲憾詎非闕畧與抑山之靈有所待如釋氏之所謂緣與拙公來自江右卓錫茲山旣闢青溝禪院居之毅然以山志自任而少司

農阮亭王公太史竹垞朱公實欽助之凡屢削藁閱

九寒暑而志成然後山之淡水之秀樹石之幽奇與夫梵剎率堵之勝神燈鬼火譎詭幻怪之觀龍蛇之神虎豹鼪狸之窟穴高僧隱士墨客之鐫鐫一旦若抉剔洗濯而出而獻奇效靈于茲山以與江南之匡阜黃海閩之武夷越之台宕粵之羅浮巴蜀之峨嵋爭雄長而盤無愧色則志之功顧不偉哉曩余觀察通永與拙公爲方外交每欲助成斯志會遷去不果今樂觀其成爲之序所以幸茲山之緣也拙公名智朴受記莇于百愚斯和尚爲曹洞宗尤工詩阮亭以清畫靈一方之論者以爲然康熙癸酉重陽綿津山人宋犖序

盤山志

二

盤山志序

燕京諸山發自太行絡繹起伏巍峩雄偉衡于皇都
都以壯萬邦之瞻盤山獨離立兀峙窈窕峻嶒別
開生面公安袁中郎謂其外骨中膚故石峭而水
茂亟稱爲奇觀余早客輦下屢欲襍被裏糧探
窮林壑久而未果康熙辛酉扈

蹕出古松亭關春往夏歸兩荷

賜遊時在鈎陳豹尾間雖登眺永日未遑以芒屨竹

盤山志 高序

杖從事偶紀數詩詩亦未佳迄今思之有若不能
忘者歸田以來寓居平湖地皆淺洲曲渚無崇山
大嶺可以陟覽舒嘯思發興一遊浙東天台鴈蕩
金華諸奇勝乃自山荆亡後奉母無人依依剝下
不忍遠離且筋力衰嬾日惟手一編坐檻牖下卽
郊園坐圖經月不一二過焉於戲生平名山之願
于茲已矣拙公忽以盤山志寄示追念舊遊忽忽
十四年慨然興歎余嘗與人言盤山自外望之無

殊衆山一入其境則聳嶂怪壑奇石刻露若奔若
蹲若闕若墮不可名狀長松美蔭帶阜嬰巒南中
諸山不少巉厓衝湍未有如此之幽邃者

皇上鑾輿上下

陵寢道所經由時來臨憩泉聲松韻每洽

宸襟御藻畱題輝映山谷顧可無志乘以示永久

乎拙公所撰簡當典善又得阮亭侍郎竹垞檢討

共相訂正搜討無遺使讀者不必身歷其境已有

盤山志 高序

會心矣拙公有道力能詩經始青溝爲卓錫地詳

宋牧仲中丞碑記中其與茲山不朽云

康熙三十三年歲在甲戌夏五原任

日講

起居注官詹事府少詹事兼翰林院侍講學士高士

奇撰

盤山志序

粵自成周以職方氏掌輿圖而以外史小史掌邦國四方之志此史所由肇卽志所由昉也然網羅標列不過郡邑之紀乘未有一丘一壑之間而名勝人文建置物產能攷古證今搜奇剔隱者田盤之山秀拔聳峭爲北平冠千百年來勿克一開生面而拙公卓錫于此喟然興歎苦心堅思以面壁功經營剏始九閱寒暑而志乃成疎略繁簡悉得其宜文質褒嘉各極其至約而該典而確天地旁礴之所鍾山川靈異之所萃莫不瞭如指掌馬遷班固之傳在阿堵歟余以文安令調補三河歲甲戌春欽蒙

盤山志序

一

今上特簡來牧茲郡拙公授余志而屬余序之嗟乎供頓星馳簿書蝟積安能握管論文哉雖然不登五嶽不知羣山之卑不觀四瀆不知衆流之妙不遊蓬萊道山冊府芸香不知金屋石室之珍儲鸞

臺鳳閣之故實是帙紀載精明參攷嚴密俱出拙

公一人之手憑高遠眺識地脈之幽奇望古遙集弔昔賢而感慨遂令大地恒河沙衆遊興未遊無不有田盤在其胸中眼底漁陽一拳石邈焉千載矣是爲序

康熙丙子四月望日

特旨陞補中憲大夫薊州知州加四級蕭山張朝琮

撰

盤山志序

二

盤山志序

往余讀昌黎韓氏集觀其送李愿歸盤谷序而知太行之陽有盤谷焉及讀拙菴大師盤山志而歎盤山之中亦有盤谷焉是二者余未知其孰勝然盤山突起薊門自擅雄尊負長城而距滄溟蠶攢巒襲面面開生非如太行之蜿蜒而旁礴也其爲谷也層巒削壁中盤而居非僅環兩山之間而爲盤也山故饒紅杏青松又多奇石名藍艸木叢茂居民鮮少可知也

盤山志 鄭序

一

水爭沿石竇出素湍歷溪淙淙然大者爲龍潭爲甘澗可濯可稼泉甘而土肥信然也盤谷一名青溝溝之爲言深也曲也宅幽而勢阻無疑也而要言之窮而深廓其有容繚而曲如往而復是皆隱者之所盤旋乎自拙菴大師居是谷虎豹遠迹蛟龍遯藏此固道力所優爲然而荒者辟穢者治不數年易艸茅而琳宮紺殿頓成勝觀蓋亦費幾經營矣而且廣搜博采歷九寒暑作爲盤山志十卷邇復輯補遺四卷無

美不收無微不顯可謂勤矣論者謂其簡而嚴核而

有體有史氏之遺焉贊寧覺範其人也又工于詩著盤谷集有清畫靈一之風名公鉅卿序之甚詳不知當日李愿在盤谷亦有此著述否也愿之出處文章見于昌黎一序愿之言又皆昌黎爲之說卽以大師法門觀之其猶佛說阿彌陀之意乎阿彌陀未嘗有經自佛之說爲之而天下後世遂尊爲阿彌陀經然則太行盤谷雖無志乘昌黎一序爲之志乘可也雖

盤山志 鄭序

二

無詩集昌黎一歌爲之詩集可也回視大師著作之富卷帙之多不亦後先輝映東西竝峙足爲山靈生色也歟余嘗兩陟盤山之巔訪師于盤谷又不知當日昌黎送李愿歸盤谷亦曾至其地否也然師嘗一到都門訪余則以此爲送拙菴歸盤谷序亦無不可吾其膏吾車秣吾馬從師于盤終吾生以徜徉遠公鄭纘祖撰

康熙辛亥秋朴結茅盤谷爲終老計日與二三子遊見此山蔥蔥鬱鬱秀色摩霄怪石嵯峨飛躡舞掉清泉古木隨人上下而其中隱士高流今古疊出賦詩題字徧滿厓壁因思夫名勝必得志乘以傳然後山川之英華人文之粹美與夫建置之沿革物產之豐饒因之以見不則汗漫無聞而已甲子春宋牧仲觀察過訪山中以此謀之牧仲欣然喜朴因偕泐侶佛藏相與搜討未幾而牧仲開府江右佛藏云亡事遂不果戊辰夏王子千郎中入山復商略之謂必襄此舉于是涉奇歷險攷古驗今竊謂天假其緣以相成

盤山志 自序

也不謂予千出守惠州遠在天末又不果烏乎好事難成一至于此此心耿耿欲罷不能庚午夏攜弟子德意詳觀形勢繪之爲圖更尋舊典增益其所未備彙成質之阮亭竹垞二公二公慨然首肯互爲較訂遂付雕鐫因述其顛末如此亦以見經始之不易云爾時康熙三十年歲在重光協洽姑洗之月朔日丁亥越三日己丑拙青溝智朴述

山志凡例

盤山在昔無志乘之可稽靈蹤故典大半湮沒朴始丁巳或從斷碣殘幢或就山僧塾老咨詢探討洗剔尋繹彙成一編數紀十卷遂質之當代名公互相參攷以廣見聞

志中詩文有自石壁得者或苔蝕雨剝仍其闕文不敢臆補至于臺閣先生及山林隱逸之士諸所題詠直署其名非慢也蓋取臨文不諱之義

凡著作之專屬某寺某菴某人某名勝首書作者之名以記銘詩詞附之庶便覽觀至于遊歷次第題詠

盤山志 凡例

者無容瓜分悉載後卷

寺宇穹碑螭首龜趺矗矗林立其中不無俚鄙未敢盡及

三教人文各有所寄此山自魏唐遼金元明以逮

本朝悉屬僧居人物中惟僧居多

事以辯明道以默契志中辯譌徵謬者意在于此

田疇隱居山中迄今幾二千載懷古尚論多載典籍山中苦無書蒐討未備惟冀同此好者惠而教我刻入補遺智朴頓首

盤山志卷第一

盤山智 朴纂輯

新城王士禎 較訂

秀水朱彝尊

名勝

山

盤山舊名四正山一名徐無山魏田疇隱居于此故名田盤山今不曰田盤而曰盤山者亦猶匡廬之謂廬山也其山南距滄溟西連太行東放碣石北負長城辨襲蠡攢面面開生實仙佛之勝區乃天壤之太

盤山志卷一

一

觀也舊云七十二座有名菴又云古今不替半千僧鄺道元水經注云盤山水出山上山峻嶮人迹罕交太山三十里望山上水可高二十餘里素湍浩然頽波歷谿冷流而下自西北轉注于洵水

曹學佺名勝志云盤山一名盤龍山在州西北二十五里高二千仞周百餘里山北數峰林立如削曰紫蓋曰宿猿尤爲奇特最高者曰上盤頂有巨石以指搖之輒動上有二龍潭下有潮井又有澤鉢泉稍下者曰中盤東行十餘里蔚然深秀怪石突起曰白巖日莫山先嵐氣濛濛如雨上有古寺

山南有小嶺陡絕難行日砂嶺高二百餘仞周六里泉水沿石竇下爲砂河東流合五里河

洪昇駁名勝志云庚午春余遊盤山歸取曹能始名勝志讀之云上盤頂有巨石以指搖之輒動今搖動石在千像寺後與上盤無涉又云上有二龍潭偕僧石林由松樹峪入盤折亂山幾十餘里先得小龍潭一復行見巨石兩傍潭形若鬴爲舊龍潭又深入數里歷鷹嶺牙峰諸勝勝抵山後將盡處有三潭蟬聯不遠中一潭最深黑云龍潛處其太上盤幾二十里又云山南有砂嶺高二百餘仞陡

盤山志卷一

二

絕難行今砂嶺爲入山孔道亦不甚高按能始有盤山詩似曾親遊歷者何以多謬若此

顧祖禹方輿紀要云洵水在薊州北四十里一名廣漢川俗名黃厓川發源黃厓口一支西南流經盤山之陰入平谷爲洵河一支東南流經盤山之陽過

三叉口入寶坻縣之白龍港宋廣川郡之名以此王士禎曰據鄺注鮑丘水條下有盤山又有徐無山徐無山下有田子泰避難居之之文田所居或在盤山或在徐無更一攷證方確

朱彝尊曰姬志真云古有田盤先生自齊而來棲

遲此山則田盤是人名非田疇居此盤桓而名之也宜詳攷

智朴山水人物辯譌盤山舊名四正山一名徐無山以田疇隱居于此又名田盤山酈注中多舛迕按鮑丘水云其水自雍奴縣故城西北舊分筭溝水東出合筭溝斷衆川東注混同一瀆東逕其縣北又東與洵河合水出右北平無終縣西山白楊谷西北流逕平谷縣屈西南流獨樂水入焉水出北抱犢固南逕平谷縣故城東其水南流入于洵洵水又東左合盤山水今以盤山之形勝論之盤

盤山志卷一

山東南四十里爲薊州百二十里爲玉田卽古無終縣疇故里也西南七十里爲三河卽古臨洵縣也西北四十里爲平谷疑疇導道破烏丸之平岡界也然護山之水其源出自黃崖口一名廣漢川黃崖去薊北四十里水分爲二一派西南流逕盤山之陰爲獨樂河游流之平谷靈山泉水注之入三河爲洵水過艸橋河古鮑丘河匯盤山左去之水至三叉口入寶坻縣之白龍港方輿紀要此處亦譌一派東南流逕薊南五里橋匯盤山右去之水入潞流河二水皆自北而南屈而東無終適當其東南而

盤山志卷一

酈注以爲無終西山之水流逕平谷按平谷至無終相去百六十里中有盤山間隔豈有無終東南之水而反流入平谷之西北耶况無終之西無山田疇傳云濱海洿下潭滯不通指此地也又平谷縣屈西南流獨樂水入焉然獨樂之水在縣之東盤之北俗呼獨漏河以其水至此伏流里許復涌出故名而酈注反以爲在其西南何歟又方輿紀要云洵河在平谷縣東南自薊州流入界又南入三河按平谷在盤山西北四周皆山古名盤陰去薊東南八十里盤嶺間之豈有薊水而反流入平谷耶此皆支離漫引幾不可攷再按田疇率宗族他附從數百人入徐無山中營深險平敞地而居躬耕以養父母今感化寺是其遺址寺碑載魏太和中無終縣民田氏茲焉營辦其地背負高山面瞰平原中有土阜如城郭周數里清流茂樹堪爲都邑而遲化北亦有徐無山或謂田疇避難于此二者併存薊州爲是至于姬志眞田盤先生之說則又誕妄無稽按雲山集云漁陽西北之山本名四正古有田盤先生自齊而來棲遲此山因名盤山又詳邁辯譌錄云張志格姬志眞等于至元壬

午至盤山借居法興寺丙戌春請長春真人建醮因規未定王道政奏請太后樹碑易額爲棲雲觀諦觀二說田盤先生之確屬何代自齊而來是何郡邑必有本末見于傳記如焦山之于焦先匡山之于匡俗乃可以山當之豈有突然而出汎然而遇以烏有子虛之人而輒以山當之者乎竊意以人名山必歸于秦田盤先生之有無正自不須深辯耳烏乎凡天下事物之迹必親見而詳審之乃可無疑于衷若以耳食得之豈有不紕繆者卽以盤山一區之山水人物攷之槩可見矣

盤山志卷一

五

漁山在盤山東南二十里山多泉冬夏噴涌成湖居民因之開爲稻田菰蒲荇藻宛似江鄉昔有豪家作別墅極其宏敞廢基存焉圖經云漁山在城西北三里高百餘丈周五里郡在此山之南故曰漁陽水遶山下故曰漁水

崆峒山一名翁同山薊州城北五里上有崔府君祠又名府君山按州志舊有日照寺

朱彝尊曰下舊聞云按岷州原州肅州汝州薊州頭世以爲隴右之山無致疑者左傳哀公二十六年

年宋景公遊于空澤卒于連中大尹典空澤之士千甲奉公自空同入則汝州之山也山下有廣成城廣成澤上有廣成觀宋宣和中汝守林時請于朝建立說者謂襄城具茨壤地相接疑軒皇問道當于此地然稽之爾雅北戴斗極爲空桐空桐之人武司馬彪注莊子亦云空桐當斗之山則空桐宜在北矣且問道之文載于莊子其初往見廣成子謂帝不足以語至道退而築特室席白茅閒居三月復往要之廣成子南首而臥帝順下風邴行而進當日帝邑于涿鹿之阿太薊甚邇故不難復

盤山志卷一

★

要之又寰宇記薊縣有鷄頭山空桐鷄頭相去不遠而陳子昂薊丘覽古詩云尚思廣成子遺迹白雲隈然則薊之空桐未可定其非黃帝問道之所也

陳子昂薊丘覽古詩北登薊丘望求古軒轅臺應龍已不見牧馬空塵埃尚思廣成子遺迹白雲隈甘泉山一名石鑿山山頂有石鑿土人呼爲石狗中有寺曰普濟

五名山一名興隆頂一名娘娘頂盤山東南十五里上有道觀

蔣福山在甘泉山後有龍潭

蓮花山雙峰寺西南怪石攢簇如千葉

小盤山盤山東北支山

峰

挂月峰峰上銳下削爲盤山之最高者定光佛塔累其上

洪昇登挂月峰寄朱竹垞檢討詩五峰各各競秀

挂月一峰獨尊仰視浮圖天近俯窺下界塵翻薊

遼故國東鎮山海中原北門恨不攜君共眺臨風

長嘯雲根

盤山志卷一

七

自來峰與挂月峰相連一名北臺舊有黃龍祖師殿

智朴按自來峰頂舊有無梁殿遼建中供黃龍祖

師銅像高三尺餘遼碑云歲饑儉兒入山竊祖師

像至澗中重不能舉欲碎之祖師大喝響震崖谷

儉兒驚散翌日仍昇上山一無所毀後殿廢正統

十四年重修康熙十六年丁巳地震又壞廢基存

焉

紫蓋峰五峰之中爲特尊一名中臺盤山諸剎龍脈

多發于此

雙峰舞劍臺北三里兩峰竝峙如丫角一名玉峰峰

背有塘產玉石

九華峰一名東臺一名削玉峰 御製詩有中盤遙

望蓮花峰之句因名蓮花峰

嶕嶢峰上方寺主山壁立千尺青削到地鬼斧神工

鳩聚于此

翠屏峰在天城寺後古木千章悉從石罅中迸出層

層鱗砌春夏之交綠翠參天霜黃碧葉紛披徧地王

緱山云乃山之曲室殆非人間

錐峰紫蓋峰北過峽處峰小而銳如錐

獬豸峰在黑龍潭東南三里

盤山志卷一

八

碎玉峰在鷹兒嶺北

石

懸空石在西架靜室後大數尋隨百丈似無依倚仰

而視之如墮

搖動石在千像寺後屹然獨立如不可犯一人撼之

輒動

王煥搖動石詩頑石若含靈所處良亦險不必待

生公逢人頭便點

狼甲石山南面澗中相傳唐太宗東征幸此三軍暇

甲處東北有飲馬潭三字

洪昇暇甲石詩唐宗黷武事遼陽振旅東歸到朔方休說三軍都暇甲也知白骨半沙場

將軍石在舍利塔下二里

帳房石在少林寺前四角有孔相傳唐太宗駐蹕處菱角石在少林寺前大數丈形似菱角

鱗石在少林寺前長二丈餘橫松下上有孔白峪亦有鱗石長三丈餘

燕子石在報國寺東形如燕巢一名燕子石溝

仙臺石在上方寺東南路傍上鐫仙臺二字明嘉靖己酉都御史彭澤書

盤山志卷一

九

龍亭石四角有孔唐太宗遺迹在天香寺後

降香石與龍亭石相連

金馬石一名龍馬石在先師臺後俗呼金馬石溝

仙人石先師臺東半里上有人影經久不沒望之如生

髻石見袁宏道詩

橐佻石在衛公菴山門西南

鳳翅石見盧雍詩

汰船石在茶子菴門前上刻汰船石三字

談禪石在正汰禪院南古松棚下大博和尚嘗談禪

于此上刻談禪石三字

蒲團石在觀音菴門前廣八尺面坦無棱礪古松蔭之如覆笠

石舫在上甘澗東北峰頂狀如海舶當烟雨晦冥時望之浮浮欲動

擁背石與石舫相連

古雲根在紫蓋峰東北澗中敲表而立高數丈石紋皴斑如豹

清涼石青溝前半里兩山夾持一石周十三丈平如几案下有文殊洞

盤山志卷一

十

雲箋石青溝西南二里縱橫數十丈苔蘚斑駁具太古雲嵐氣象其側有松秀而古垂陰半畝近為人竊去

洗心石在天池上周五丈其面如砥其後峰矗矗列如屏

巖

白巖在九華峰上有上中下三巖其上巖即九華峰萬松蒼鬱席地幕天今童然骨立耳

龍巖在上盤見盧雍詩

喘氣巖在舍利塔下有石刻字